

OFISI YA RAIS
TAWALA ZA MIKOA NA SERIKALI ZA MITAA



TANGA, IRINGA, SINGIDA, MOROGORO, DODOMA, TABORA, LINDI AND MTWARA
MTIHANI WA UTAMILIFU (MOCK) – DARASA LA SABA

UFAHAMU WA KUSIKILIZA

Muda: Dakika 10

Mei, 2025

MAELEKEZO KWA MSIMAMIZI

Zingatia yafuatayo **kabla** ya **kusoma maelekezo** kwa watahiniwa:

- (i) Hakikisha unasoma habari kwa **sauti** na **taratibu** kwa mara ya kwanza huku ukizingatia alama zote za uandishi zilizopo katika hadithi hiyo. Unaposoma kwa mara ya pili ongeza kidogo kasi ya usomaji.
- (ii) Muda utakaotumika kuwasomea watahiniwa habari ni **dakika tano (05)** na muda utakaotumika kwa watahiniwa kujibu maswali ni **dakika tano (05)**. Sehemu hii itafanyika kwa **dakika kumi (10)**.
- (iii) Wakati utakapokuwa unasoma habari, hakikisha kuwa watahiniwa hawafungui karatasi yenye maswali ya mtihani.
- (iv) Soma kwa sauti maelekezo kwa watahiniwa (1 hadi 4).

MAELEKEZO KWA WATAHINIWA

1. Nitasoma **kwa sauti** habari mara mbili, hivyo kila mmoja asikilize kwa makini.
2. Nitakapokuwa nasoma habari, hakikisha kuwa karatasi yako ya maswali haijafunguliwa.
3. Nikisoma habari kwa mara ya kwanza, sikiliza bila kujibu maswali. Nikimaliza kusoma kwa mara ya pili, jibu swali la 1 (i) hadi (v) kisha endelea kujibu maswali mengine (2 hadi 6).
4. Naanza kusoma habari sasa, hivyo **sikiliza kwa umakini**.

UFAHAMU WA KUSIKILIZA

Watu wengi hudhani kwamba wanyama wote ni hatari, hasa wale wasiofugwa. Ukweli ni kwamba wanyama hao hawawezi kumshambulia mtu bila kuchokozwa. Wanyama humwogopa binadamu. Kwa kawaida Tembo anapomuona binadamu, hukimbia, Chui anapomuona binadamu, hujificha, huku akimwangalia kwa tahadhari ili akiona dalili ya kushambuliwa, awe wa kwanza kumshambulia.

Hata hivyo wanyama huwa wakali pale wanaponyonyesha. Kama ilivyo kwa binadamu, wanyama pia huwapenda watoto wao na hivyo huhakikisha kuwa wanawalinda watoto wao kwa namna yoyote. Hii ndio sababu iliyowafanya wanyama wawe wakali wakati wa kunyonyesha.